

中國方志叢書·華中地方·第五六八號


據

宋·陳公亮修
清代據宋淳熙刊本手鈔
附光緒十年陸心源手跋本

影印

浙江省

嚴州圖經



成文出版社有限公司印行



10097705

中華民國七十二年三月臺一版

嚴州圖經

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

此狀圖經予所見者皆經手刻本但按此書卷前以經典
已未正月七年所事筆序後信應與年而月所學表核
劉文富序文富是承郎守陳公真子命訂正是書序也卷
上載建隆元年太宗皇帝初創防禁及治宣和三年太皇
帝初授以度使制及初書痛文之也蓋信應而年之成高宗
為立於宋室初自太宗之稱攷筆并初初翻此志本欲取州
經既以亮重修上修之名曰王氏與地紀陳氏直書其跡馬
氏經攷中世新字蓋宗人州名多用即名標於後志載書
雖止但有新字意初無周經之目名曰雖其實地有兩本也
右錄錢時以先生所見十篇為卷前錄

吳郡山塘汪氏藏宋縣嚴州古經三卷即竹汀先生所見治熙重刻本
也朱述之明府欲購之而不果因錄其副照宋本影寫於後明府處
借錄者



太宗皇帝初領防禦使

建隆元年正月甲子詔曰朕應天順人宅萬邦而建

號自家刑國睦九族以推恩皇第三弟新補殿前都

賓侯太宗舊名擢秀本校協謀興運自天鍾德秉文武之

才在邦必聞有孝弟之行屬茲勦業宜被寵光俾領

郡條兼提使印官階等爵武示等威徵鵲鷁之詩方

恩於外禦董統猗之衆用肅於內朝雖曰匪親不居

亦無生而貴者是膺厯試仍錫嘉名勉樹令猷永保

多福可特授光祿大夫檢校太保特節睦州諸軍事

行睦州刺史充本州防禦使兼御史大夫封天水縣

開國子食邑五百戶

太上皇帝初授節度使制

宣和三年十二月壬子制曰周封同姓以親賢敦厚
深根之國漢尊二等而立爵載圖磐石之安朕隆紹
慶基端膺駿命永錫昨嗣肇開第室之榮對揚王休
由昇國章之寵丕昭顯冊宣告羣王皇子檢校大保
鎮海軍節度使開府儀同三司廣平郡王食邑九千
四百戶食實封三千戶名御日韓分暉珠漢流潤斯千
協吉茂嶷嶷之奇姿典命陳儀稱煌七之華蒂聰達
蘊自然之質藝文成不習之能詩禮雅言允迪聖門

之訓克辟正道率循嚴傳之規既進冠以重嘉宣邁
年而出閣班趨萬王行瞻極以來朝堂敬敬極既環
宮而列卽載修褒崇之數益彰振厚之風昨南王之
山川佩真王之印綬而槐辨位朕保職于三公先乘
啓行總戎麾於兩鎮併疇主賦增渙渥恩於戲建國
以親諸侯義重本支之盛述職以朝天子贊資蕃翰
之良其祇朕於朕辭以承綬於爾社可特綬太保遂
安慶源等軍節度使進封康王加食邑二千戶食實
封三百戶勲封如故

敕書

敕遣安軍官吏軍人道士僧尼百姓等朕以名粹質
初蘇異科夙就蚤遵年而親傳既筮日以字成出閣
造朝環宮開卽寵進上公之秩雖兼兩鎮之權制勝
壤於浙江殿名邦於全趙戎壯朔南之屏永綏中外
之安遠諒輿情欣聆虔渙今特授_{名御}太保遂安慶源
軍節度使進封康王加食邑一千戶食實封三百戶
故茲示諭想宜知悉將士等各平安好_遠東佐官吏軍
人道士僧尼耆壽百姓等並存問之道書_指猶不多及
二十二日

節度使榜

遂安軍節度使

應遂安軍營內官吏軍人道士僧尼百姓築室肇
 開度綸誥布王封真拜昨四履以宣茅土立表映儀兼
 千連而建彝方攤圭而趨著未握節以殿邦為
 時上聖之君興乃丕平之治道孚九有遠追黃帝
 之風政本羣情盡舉元豐之制沛范厚澤浹被遠
 民唯彼外僚當承至意協懋蕃宣之職格敷詔令
 之仁芹藻儒髦虎視武旅空門羽檄穉耄耆齡樂
 威化以咸寧欽有司而無犯諸有尊屬並存問之
 右榜遂安軍仍散下管內各令知悉

宣和四年

月

日榜

太保遂安慶源軍節度使康王

建安二年五月十三日

聖旨朕嘗時臨危勉承大統念

父母兄弟之難懷生靈塗炭之傷思所以迎復

鑒興弭寧禍亂未知攸濟夙夜震懼無以解憂而漸

藩舊鎮乃遵常式貢章陳慶有請衣已疾拂腹心應

舊鎮州鎮並不許依故事稱賀其合推恩例仰有司

條具以聞六月十五日有

旨嚴州命官進士僧道者老等推恩賜帛有差

嚴州重修圖經舊序

周官職方氏掌天下之圖周知其數要漢得秦圖書
其知天下院塞戶口多少強弱處先武中具按司空
輿地圖以封諸子歷代放周遂以職方名官至唐立
制凡地圖命郡府三年一造與板籍偕上省
國朝定令閏年諸州上地圖大中祥符四年

詔儒臣修纂圖經頒下州縣俾遵承之距今百二十
有八年矣其間州名有更易軍制有升降戶口有登
耗賦稅有增損既皆不同而又艱難以來州縣唯科
歛是急趣具目前閏年之制寔以不舉蓋職方之職

廢也紹興七年并來承乏嘗訪求歷代沿革

國朝興章前賢遺範率汗漫莫可取正誨之故老則

曰是邦當宣和庚子盜據之後圖籍散亡視他州尤

難稽攷乃喟然曰惟嚴為州山水清絕有高賢之遺

蹟久以輯睦得名今因嚴陵紀號自唐為軍事州

藝祖開基首命

太宗為睦州防禦使

先帝政和中悉褒錄

祖宗潛蕃之地

詔升其軍為節度既而出節少府以授

今上嘗以親王道臨鎮焉其後

繼世以有天下實

太宗蓋是邦而為

真主興王之地其視少康之綸漢文之代有不足道

則地望顧不重哉而況歷代以來文人才士間出於

其地上僅賢鉅公束為牧守者相望也庸可以勿紀乎

於是因通判軍州事孫豫傳有請乃屬僚屬知建德縣

事熊通州學教授朱良弼主建德縣簿汪勅主桐廬

縣簿賈廷佐及郡人前漢陽軍教授喻彥先相與檢

訂事實各以類從因舊經而補緝廣新聞而附見足

是邦之遺事略具矣豈特備異日職方與閭閻年二制
抑使為政者究知風俗利病師範先賢懿績而永學
晚生覽之可以輯睦而還舊俗宦達名流望之可以
全高風而勵名節渠小補也哉至於紀銀尚或未盡
則以族後之君子紹興己未春正月壬午知軍州事
董矣序

重修圖經序

先王盛時封建未壞井地既正疆理修明千八百周
廣各有王地之圖以知周知其地域太司徒所掌是
已且司徒掌邦教之任而乃下兼職方之事其亦有
說歟蓋民之情性有剛柔輕重遲速不同不辨其宜
而施教焉則有扞格而不相入者是以修其教不易
其俗齊其政不易其宜逮秦人罷侯置守亦各有圖
漢人入關所收財知院塞而已司徒辨五地十二壤
而施十有二教之制無有也漢氏去古未遠不能復
先王之制而郡國雜治况復世去先王益遠而曰復

古不其疎乎

國朝沿唐郡縣之舊而其經理視唐尤為盡善大中
祥符三年十二月丁巳詔獎翰林學士李宗諤等
上新修諸道圖經由是圖籍大備而罷之為用自東
漢建安中至是適八百年矣其遷徙廢置詳載於經
郡有板木中更遺漏不存淳熙甲辰太守陳公七亮
下車之初憫其廢墜而未暇也逾年時和年豐訟簡
刑清百廢具舉課最之餘因取舊經命文富訂正之
將再鋟諸木竊惟此邦之俗舊號輯睦因以名州可
以無亭治不可以多事理所謂安於簡易之政擾之

則生事是已自公之開府將再葺矣一以寬政理惟
 頑民黷吏始繩之以法故邦人甚安之因其俗而施
 其教公已得之此其文可書者若夫民教之登降財
 賦之贏縮軍籍之去留公館之興廢是州則因之否則
 革之特其粗爾故書其大者以告後之為政云歲在
 丙午正月丁未廸功郎州學教授劉文富謹序

